



ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

24.10.2016թ.

Ո Ր Ո Շ ՈՒ Մ

ՀՀ գնումների բողոքարկման խորհրդի

թիվ ՍՑ-61/16

ՀՀ գնումների բողոքարկման խորհրդի (այսուհետ նաև՝ Խորհուրդ) բողոքը քննող հանձնաժողովը՝ գործելով Խորհրդի անունից, քննելով ՀՀ ֆինանսների նախարարության 01.04.2016թ. թիվ 1/73-3/11091-16, 14.04.2016թ. թիվ 1/73-3/12077-16 և 07.06.2016թ. թիվ 1/73-1/15888-16 գրություններով ներկայացված «Վարդան Կիրակոսյան» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնված բողոքը (այսուհետ նաև՝ ՍՑ-ԳԲԽ-61/16 բողոք), ինչպես նաև ուսումնասիրելով ՍՑ-ԳԲԽ-61/16 բողոքի վերաբերյալ «Գնումների աջակցման կենտրոն» ՊՈԱԿ-ի (այսուհետ նաև՝ Կենտրոն) 14.10.2016թ. ներկայացրած եզրակացությունը, պարզեց հետևյալը.

1. ՀՀ ֆինանսների նախարարության ներկայացրած փաստերը և պահանջը

ՀՀ ֆինանսների նախարարությունը, ՀՀ ազգային անվտանգության ծառայության (այսուհետ նաև՝ Պատվիրատու 1) 25.03.2016թ. թիվ 20/135, «Գյումրու «Երեխաների տուն»» ՊՈԱԿ-ի (այսուհետ նաև՝ Պատվիրատու 2) 15.03.2016թ. թիվ Մ/Պ-16/41 գրության,

«Հայկական ատոմային էլեկտրակայան» ՓԲԸ-ի (այսուհետ նաև՝ Պատվիրատու 3) 30.05.2016թ. թիվ 40-1011 գրությունների հիման վրա, 01.04.2016թ. թիվ 1/73-3/11091-16, 14.04.2016թ. թիվ 1/73-3/12077-16, 07.06.2016թ. թիվ 1/73-1/15888-16 գրություններով դիմել է «Գնումների աջակցման կենտրոն» ՊՈԱԿ-ին (այսուհետ՝ Կենտրոն)՝ խնդրելով ուսումնասիրել «Վարդան Կիրակոսյան» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում (այսուհետ՝ Ցուցակ) ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ Ընկերությանը Ցուցակում ներառելու համար:

2. «Վարդան Կիրակոսյան» ՍՊԸ-ի ներկայացրած փաստարկները և դիրքորոշումը

«Գնումների աջակցման կենտրոն» ՊՈԱԿ-ը կարծիք ստանալու նպատակով 04.04.2016թ. թիվ 01/04.1/1319-16, 15.04.2016թ. թիվ 01/04.1/1517-16, 22.06.2016թ. թիվ 01/04.1/2421-16 գրություններով դիմել է «Վարդան Կիրակոսյան» ՍՊԸ-ին:

Ի պատասխան Կենտրոնի վերը նշված գրությունների՝ Ընկերության կողմից որևէ կարծիք չի ներկայացվել:

«Վարդան Կիրակոսյան» ՍՊԸ-ն, պատշաճ ծանուցված լինելով 09.09.2016թ. ժամը 17:40-ին Կենտրոնում կայացած ՍՑ-ԳԲԽ-61/16 բողոքը քննող հանձնաժողովի նիստի վերաբերյալ, չի ապահովել իր ներկայացուցչի մասնակցությունը:

3. ՀՀ ազգային անվտանգության ծառայության կողմից ներկայացրած փաստարկները և դիրքորոշումը

ՀՀ ազգային անվտանգության ծառայությունը 25.03.2016թ. թիվ 20/135 գրությամբ ներկայացրել է «ՀՀ ԿԱ ԱԱԾ-ՏՆՏՎ-ԱՊՁԲ-16/1-ԳԱԿ-ՇՀԱՊՁԲ-15/11» ծածկագրով շրջանակային համաձայնագրերի միջոցով գնում կատարելու ընթացակարգին վերաբերող անհրաժեշտ փաստաթղթերը:

Պատվիրատու 1-ը, պատշաճ ծանուցված լինելով 09.09.2016թ. ժամը 17:40-ին Կենտրոնում կայացած ՍՑ-ԳԲԽ-61/16 բողոքը քննող հանձնաժողովի նիստի վերաբերյալ, չի ապահովել իր ներկայացուցչի մասնակցությունը:

4. «Գյումրու «Երեխաների տուն»» ՊՈԱԿ-ի ներկայացրած փաստարկները և դիրքորոշումը

«Գյումրու «Երեխաների տուն»» ՊՈԱԿ-ը 15.03.2016թ. թիվ Ս/Պ-16/41 գրությամբ ներկայացրել է «ԳԵՏ-ՇՀԱՊՁԲ-15/11-16/4» ծածկագրով շրջանակային համաձայնագրերի միջոցով գնում կատարելու ընթացակարգին վերաբերող անհրաժեշտ փաստաթղթերը:

Վերոհիշյալ գրությամբ Պատվիրատու 2-ը հայտնել է, որ ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 47-րդ կետի 1-ին ենթակետով նախատեսված տվյալների ճշտման մասին ՀՀ ֆինանսների նախարարություն ներկայացված հարցմանն ի պատասխան՝ տրամադրվել է եզրակացություն, համաձայն որի «Վարդան Կիրակոսյան» ՍՊԸ-ի ներկայացրած հայտարարությունները իրականությանը չեն համապատասխանում իրականությանը:

Պատվիրատու 2-ը, պատշաճ ծանուցված լինելով 09.09.2016թ. ժամը 17:40-ին Կենտրոնում կայացած ՍՑ-ԳԲԽ-61/16 բողոքը քննող հանձնաժողովի նիստի վերաբերյալ, չի ապահովել իր ներկայացուցչի մասնակցությունը:

5. «Հայկական ատոմային էլեկտրակայան» ՓԲԸ-ի ներկայացրած փաստարկները և դիրքորոշումը

«Հայկական ատոմային էլեկտրակայան» ՓԲԸ-ն 30.05.2016թ. թիվ 40-1011 գրությամբ ներկայացրել է «ՀԱԷԿ-ՇՀԱՊՁ-15/1-1» ծածկագրով շրջանակային համաձայնագրերի միջոցով գնում կատարելու ընթացակարգին վերաբերող անհրաժեշտ փաստաթղթերը:

Պատվիրատու 3-ը վերոհիշյալ գրությամբ հայտնել է, որ 2016թ. երկրորդ եռամսյակի ընթացքում «ՀԱԷԿ» ՓԲԸ-ին անհրաժեշտ բենզինի և դիզելային վառելիքի ձեռքբերման նպատակով կազմակերպված ընթացակարգի շրջանակային համաձայնագրերի ցանկից գնման ընթացակարգի հայտ ներկայացրած մասնակիցների շրջանակային համաձայնագրերի ցանկում գրանցված լինելու փաստը ստուգելիս պարզվել է, որ «Վարդան Կիրակոսյան» ՍՊԸ-ն հայտ ներկայացնելու օրվա դրությամբ՝ 19.05.2016թ. գրանցված չի եղել apranq-15-1@shh.gnumner.am էլ. փոստի հասցեով:

6. ՍՑ-ԳԲԽ-61/16 բողոքի վերաբերյալ «Գնումների աջակցման կենտրոն» ՊՈԱԿ-ի դիրքորոշումը

«Գնումների աջակցման կենտրոն» ՊՈԱԿ-ը Խորհրդին է ներկայացրել իր 14.10.2016թ. եզրակացությունը և առաջարկել ՀՀ ֆինանսների նախարարության 01.04.2016թ. թիվ 1/73-3/11091-16, 14.04.2016թ. թիվ 1/73-3/12077-16 և 07.06.2016թ. թիվ 1/73-1/15888-16 գրություններով ներկայացված «Վարդան Կիրակոսյան» ՍՊԸ-ին ներառել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների բողոքարկման խորհրդի որոշումը կայացվելու օրվանից հաշված վեց ամիս ժամկետով:

7. ՍՑ-ԳԲԽ-61/16 պաշտոնական ընթացակարգով նախաձեռնած բողոքի քննության համար էական նշանակություն ունեցող փաստերը

ՀՀ ֆինանսների նախարարության 01.04.2016թ. թիվ 1/73-3/11091-16, 14.04.2016թ. թիվ 1/73-3/12077-16 և 07.06.2016թ. թիվ 1/73-1/15888-16 գրություններով ներկայացված «Վարդան Կիրակոսյան» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքի քննության համար էական նշանակություն ունեն հետևյալ փաստերը՝

1. ՀՀ ազգային անվտանգության ծառայության կողմից կազմակերպված «ՀՀ ԿԱ ԱԱԾ-ՏՆՏՎ-ԱՊՁԲ-16/1-ԳԱԿ-ՇՀԱՊՁԲ-15/11» ծածկագրով ընթացակարգ

1. ՀՀ ազգային անվտանգության ծառայության կողմից կազմակերպված «ՀՀ ԿԱ ԱԱԾ-ՏՆՏՎ-ԱՊՁԲ-16/1-ԳԱԿ-ՇՀԱՊՁԲ-15/11» ծածկագրով ընթացակարգին (այսուհետ նաև՝ Ընթացակարգ 1) մասնակցելու նպատակով «Վարդան Կիրակոսյան» ՍՊԸ-ն **04.03.2016թ.** հայտ է ներկայացրել:

2. Ընկերությունը հայտի N 2 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ **հայտը ներկայացվելու օրվա դրությամբ չունի ժամկետանց հարկային պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:**

3. Պատվիրատու 1-ը, ՀՀ ֆինանսների նախարարությանն ուղղված ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 47-րդ կետի 1-ին ենթակետով նախատեսված տվյալների ճշտման մասին 19.03.2016թ. կատարված հարցմամբ, խնդրել է տրամադրել տեղեկատվություն «Վարդան Կիրակոսյան» ՍՊԸ-ի վերաբերյալ:

4. Ի պատասխան վերը նշված հարցմանը՝ ՀՀ ֆինանսների նախարարության կողմից Պատվիրատու 1-ին 22.03.2016թ. տրամադրվել է եզրակացություն, համաձայն որի «Վարդան Կիրակոսյան» ՍՊԸ-ն **հայտը ներկայացնելու ներկայացնելու օրվա (04.03.2016թ.) դրությամբ ՀՀ պետական բյուջեի նկատմամբ ունի ժամկետանց հարկային պարտավորություն 212 ՀՀ դրամի չափով:**

5. Ընթացակարգ 1-ի գնահատող հանձնաժողովը 25.03.2016թ. ժամը 17:15-ին կայացած նիստի թիվ 5 արձանագրությամբ որոշել է «Վարդան Կիրակոսյան» ՍՊԸ-ի հայտը մերժել:

2. «Գյումրու «Երեխաների տուն»» ՊՈԱԿ-ի կողմից կազմակերպված «ԳԵՏ-ՇՀԱՊՁԲ-15/11-16/4» ծածկագրով շրջանակային համաձայնագրերի միջոցով գնում կատարելու ընթացակարգ.

6. «Գյումրու «Երեխաների տուն»» ՊՈԱԿ-ի կարիքների համար կազմակերպված «ԳԵՏ-ՇՀԱՊՁԲ-15/11-16/4» ծածկագրով շրջանակային համաձայնագրերի միջոցով գնում կատարելու ընթացակարգին (այսուհետ նաև՝ Ընթացակարգ 2) մասնակցելու նպատակով «Վարդան Կիրակոսյան» ՍՊԸ-ն **04.03.2016թ.** հայտ է ներկայացրել:

7. Ընկերությունը հայտի N 2 հավելվածով՝ Ընթացակարգին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ **հայտը ներկայացվելու օրվա (04.03.2016թ.) դրությամբ չունի ժամկետանց հարկային պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:**

8. Պատվիրատու 2-ը, ՀՀ ֆինանսների նախարարությանն ուղղված Կարգի 47-րդ կետի 1-ին ենթակետով նախատեսված տվյալների ճշտման մասին 04.03.2016թ. կատարված հարցմամբ, խնդրել է տրամադրել տեղեկատվություն «Վարդան Կիրակոսյան» ՍՊԸ-ի վերաբերյալ:

9. Ի պատասխան վերը նշված հարցմանը՝ ՀՀ ֆինանսների նախարարության կողմից Պատվիրատու 2-ին 11.03.2016թ. տրամադրվել է եզրակացություն, համաձայն որի «Վարդան Կիրակոսյան» ՍՊԸ-ն **հայտը ներկայացնելու ներկայացնելու օրվա (04.03.2016թ.) դրությամբ ՀՀ պետական բյուջեի նկատմամբ ունի ժամկետանց հարկային պարտավորություն 212 ՀՀ դրամի չափով:**

10. Ընթացակարգ 2-ի գնահատող հանձնաժողովը 18.03.2016թ. ժամը 12:00-ին կայացած նիստի թիվ 3 արձանագրությամբ որոշել է «Վարդան Կիրակոսյան» ՍՊԸ-ի հայտը մերժել:

3. Հայկական ատոմային էլեկտրակայան» ՓԲԸ-ի կողմից կազմակերպված «ՀԱԷԿ-ՇՀԱՊՁ-15/1-1» ծածկագրով շրջանակային համաձայնագրերի միջոցով գնում կատարելու ընթացակարգ.

11. «Հայկական ատոմային էլեկտրակայան» ՓԲԸ-ի կարիքների համար բենզինի և դիզելային վառելիքի ձեռքբերման նպատակով կազմակերպված «ՀԱԷԿ-ՇՀԱՊՁ-15/1-1» ծածկագրով շրջանակային համաձայնագրերի միջոցով գնում կատարելու

ընթացակարգին (այսուհետ նաև՝ Ընթացակարգ 3) մասնակցելու նպատակով «Վարդան Կիրակոսյան» ՍՊԸ-ն 19.05.2016թ. հայտ է ներկայացրել:

12. Ընթացակարգ 3-ի գնահատող հանձնաժողովը 19.05.2016թ. ժամը 11:00-ին կայացած նիստի թիվ 2 արձանագրությամբ որոշել է «Վարդան Կիրակոսյան» ՍՊԸ-ի հայտը մերժել՝ պատճառաբանելով, որ «Վարդան Կիրակոսյան» ՍՊԸ-ն գրանցված չէ շրջանակային համաձայնագրերով apranq-15/1@shh.gnumner.am էլեկտրոնային հասցեում:

8. Խորհրդի հիմնավորումները և եզրահանգումը

Խորհուրդն, ուսումնասիրելով ՀՀ ազգային անվտանգության ծառայության 25.03.2016թ. թիվ 20/135 գրությունը, «Գյումրու «Երեխաների տուն»» ՊՈԱԿ-ի 15.03.2016թ. թիվ Մ/Պ-16/41 գրությունը, «Հայկական ատոմային էլեկտրակայան» ՓԲԸ-ի 30.05.2016թ. թիվ 40-1011 գրությունը և կից փաստաթղթերը՝ հայտնում է հետևյալը.

«Գնումների մասին» ՀՀ օրենքի 5-րդ հոդվածի 1-ին մասի 2-րդ կետի համաձայն՝ գնումների ընթացակարգերին մասնակցելու իրավունք չունեն անձինք, որոնք ունեն ժամկետանց պարտքեր Հայաստանի Հանրապետության հարկային և պարտադիր սոցիալական ապահովության վճարների գծով:

Օրենքի 5-րդ հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե հայտը ներկայացնելու պահին նախորդող տարվա ընթացքում գնման գործընթացի շրջանակում ներկայացրել է կեղծ տվյալ:

Օրենքի 48-րդ հոդվածի 6-րդ մասի 7-րդ կետի համաձայն՝ ՀՀ գնումների բողոքարկման խորհուրդն իրավունք ունի որոշում կայացնելու մասնակցին գնումների գործընթացին մասնակցության իրավունք չունեցող մասնակիցների ցուցակում ներառելու համար:

ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 35-րդ կետի 1-ին ենթակետի «բ» պարբերության համաձայն՝ մասնակիցը հայտով ներկայացնում է իր կողմից հաստատված

հայտարարություն՝ օրենքով նախատեսված մասնակցության իրավունքի և հրավերով սահմանված որակավորման չափանիշներին իր համապատասխանության մասին:

Կարգի 47-րդ կետի 1-ին ենթակետի համաձայն՝ հայտերի բացման նիստի ավարտին հաջորդող աշխատանքային օրը հանձնաժողովի քարտուղարն էլեկտրոնային եղանակով Հայաստանի Հանրապետության ֆինանսների նախարարություն հարցում է ներկայացնում առաջին և հաջորդաբար տեղ զբաղեցրած մասնակիցների՝ Հայաստանի Հանրապետության պետական բյուջեի նկատմամբ հայտը ներկայացնելու օրվա դրությամբ ժամկետանց հարկային պարտավորությունների, ինչպես նաև նույն կարգի 67-րդ կետով նախատեսված որակավորման պահանջի առկայության վերաբերյալ՝ ներկայացնելով հարկ վճարողի հաշվառման համարը:

Կարգի 48-րդ կետի համաձայն՝ Հայաստանի Հանրապետության ֆինանսների նախարարությունը նույն կարգի 47-րդ կետի 1-ին ենթակետով նախատեսված հարցումն ստանալու օրվան հաջորդող երկու աշխատանքային օրվա ընթացքում էլեկտրոնային եղանակով պատվիրատուին տրամադրում է հարցման մասին եզրակացություն: Նույն կետով սահմանված ժամկետում Հայաստանի Հանրապետության ֆինանսների նախարարությունից եզրակացության չստացման դեպքում մասնակցի ներկայացրած հայտարարությունը համարվում է իրականությանը համապատասխանող: Եթե տրամադրված եզրակացության արդյունքում մասնակցի ներկայացրած հայտարարությունները որակվում են իրականությանը չհամապատասխանող, ապա՝

1) հայտերի գնահատման արդյունքների հրապարակման նիստում հանձնաժողովի որոշմամբ տվյալ մասնակցի հայտը մերժվում է, և

2) այդ մասնակցի տվյալները գնման գործընթացին մասնակցելու իրավունք չունեցող մասնակիցների ցուցակում ներառելու գործընթաց նախաձեռնելու նպատակով ի հայտ եկած հանգամանքների մասին տեղեկությունները պատվիրատուի կողմից ուղարկվում են Հայաստանի Հանրապետության ֆինանսների նախարարություն՝ դրանց ի հայտ գալու օրվան հաջորդող երեք աշխատանքային օրվա ընթացքում:

«Վարդան Կիրակոսյան» ՍՊԸ-ն **04.03.2016թ.** մասնակցության հայտեր է ներկայացրել՝ ՀՀ ազգային անվտանգության ծառայության կողմից կազմակերպված «ՀՀ ԿԱ ԱԱԾ-ՏՆՏՎ-ԱՊԶԲ-16/1-ԳԱԿ-ՇՀԱՊԶԲ-15/11» ծածկագրով և «Գյումրու «Երեխաների

տուն»» ՊՈԱԿ-ի կողմից կազմակերպված «ԳԵՏ-ՇՀԱՊՁԲ-15/11-16/4» ծածկագրով ընթացակարգերին:

Ընկերությունը Ընթացակարգերի մասնակցության հայտերի N 2 հավելվածով՝ ընթացակարգերին մասնակցելու նպատակով հրավերով սահմանված մասնակցության իրավունքի պահանջներին իր տվյալների համապատասխանության մասին հայտարարությամբ, հայտնել և հավաստել է, որ **հայտերը ներկայացվելու օրվա դրությամբ չունի ժամկետանց հարկային պարտքեր Հայաստանի Հանրապետության հարկային և պարտադիր սոցիալական ապահովության վճարների գծով, մինչդեռ ՀՀ ֆինանսների նախարարության կողմից 11.03.2016թ. և 22.03.2016թ. տրամադրված եզրակացությունների համաձայն՝ Ընկերությունը հայտերը ներկայացնելու օրվա (04.03.2016թ.) դրությամբ ունեցել է ժամկետանց հարկային պարտավորություններ ՀՀ պետական բյուջեի նկատմամբ:**

Օրենքի 5-րդ հոդվածի 1-ին մասի 4-րդ կետի «բ» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե **հայտը ներկայացնելու պահին նախորդող տարվա ընթացքում գնման գործընթացի շրջանակում ներկայացրել է կեղծ տվյալ:**

Այսպիսով, Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում մասնակցին ներառելու համար **պարտադիր և միաժամանակյա առկա հիմքերն են՝**

- նույն կետի «բ» ենթակետերով նախատեսված և մասնակցին վերագրվող խախտման առկայությունը,

- խախտումը թույլ տալու պահից մեկ տարվա ընթացքում մասնակցի կողմից մրցակցային գործընթացին մասնակցելու համար հայտ ներկայացրած լինելու հանգամանքը:

Հետևաբար, Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում «Վարդան Կիրակոսյան» ՍՊԸ-ի ներառելու համար անհրաժեշտ է, որ նույն կետով սահմանված և **Ընկերությանը վերագրվող խախտում թույլ տալու պահից մեկ տարվա ընթացքում անձը մասնակցած լինի գնման որևէ գործընթացին և ներկայացրած լինի**

հայտ, քանի որ օրենքի նշված նորմի համաձայն՝ մասնակիցն ընդգրկվում է նշված ցուցակում, եթե վերագրվող խախտումը կատարվել է հայտը ներկայացնելու պահին նախորդող տարվա ընթացքում:

Խորհուրդն արձանագրում է, որ «Վարդան Կիրակոսյան» ՍՊԸ-ի վերաբերյալ միաժամանակ առկա են Օրենքի 5-րդ հոդվածի 1-ին մասի 4-րդ կետով նախատեսված՝ Ցուցակում ներառելու երկու հիմքերը, մասնավորապես Ընկերությունը 04.03.2016թ. ժամը 02:33-ին մասնակցության հայտ է ներկայացրել ՀՀ ազգային անվտանգության ծառայության կողմից կազմակերպված «ՀՀ ԿԱ ԱԱԾ-ՏՆՏՎ-ԱՊՁԲ-16/1-ԳԱԿ-ՇՀԱՊՁԲ-15/11» ծածկագրով ընթացակարգին, որի շրջանակներում ներկայացրել է կեղծ տվյալ, և 04.03.2016թ. ժամը 11:52-ին կրկին մասնակցության հայտ է ներկայացրել «Գյումրու «Երեխաների տուն»» ՊՈԱԿ-ի կողմից կազմակերպված «ԳԵՏ-ՇՀԱՊՁԲ-15/11-16/4» ծածկագրով ընթացակարգին, որի շրջանակներում նույնպես թույլ է տվել Օրենքի 5-րդ հոդվածի 1-ին մասի 4-րդ կետի «բ» ենթակետի խախտում:

Ինչ վերաբերում է «Վարդան Կիրակոսյան» ՍՊԸ-ի կողմից շրջանակային համաձայնագրերով apranq-15/1@shh.gnumner.am էլեկտրոնային հասցեում գրանցված չլինելու պայմաններում «Հայկական ատոմային էլեկտրակայան» ՓԲԸ-ի կարիքների համար բենզինի և դիզելային վառելիքի ձեռքբերման նպատակով կազմակերպված «ՀԱԷԿ-ՇՀԱՊՁ-15/1-1» ծածկագրով շրջանակային համաձայնագրերի միջոցով գնում կատարելու ընթացակարգին հայտ ներկայացնելու հանգամանքին, ապա անհրաժեշտ է նշել, որ «Գնումների մասին» ՀՀ օրենքի 5-րդ հոդվածի 1-ին մասի 4-րդ կետը սպառիչ թվարկում է այն հիմքերը, որոնց առկայության դեպքում մասնակիցը կարող է ներառվել գնումների գործընթացին մասնակցելու իրավունք չունեցող մասնակիցների ցուցակում:

Նշված հիմքերի շարքում նախատեսված չէ մասնակցի՝ շրջանակային համաձայնագրեր կնքած մասնակիցների ցուցակում ներառված չլինելը:

Կարգի 125-րդ կետի 1-ին ենթակետի համաձայն՝ Օրենքի 5-րդ հոդվածի 2-րդ մասով նախատեսված՝ գնումների բողոքարկման խորհրդի ընդունած որոշման հիման վրա մասնակիցը գնումների գործընթացին մասնակցելու իրավունք չունեցող մասնակիցների ցուցակում ընդգրկվում է՝ **6 ամիս ժամկետով**, եթե ավելի քան մեկ անգամ խախտել է պայմանագրով նախատեսված կամ գնման գործընթացի շրջանակում ստանձնած

պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը, որի հետևանքով տուժանքի, հաշվարկված վնասի, տույժի կամ տուգանքի չափը չի գերազանցում գնումների բազային միավորը և մինչև բողոքարկման խորհրդի կողմից համապատասխան որոշում ընդունվելը՝ պատճառված վնասը, հաշվարկված տույժը կամ տուժանքը վերականգնվել է կամ, **եթե Հայաստանի Հանրապետության պետական բյուջեի նկատմամբ հայտը ներկայացնելու օրվա դրությամբ ունեցել է ժամկետանց հարկային պարտավորություններ կամ որակավորման չափանիշների, իսկ ապրանքների գնման դեպքում՝ նաև տեխնիկական բնութագրերի գնահատման արդյունքում այդ որակավորման չափանիշները կամ տեխնիկական բնութագրերը որակվել են որպես մասնակցի կողմից ներկայացված հայտարարություններին չհամապատասխանող:**

Հիմք ընդունելով վերոգրյալը, Խորհուրդը գտնում է, որ ՀՀ ֆինանսների նախարարության 01.04.2016թ. թիվ 1/73-3/11091-16, 14.04.2016թ. թիվ 1/73-3/12077-16 և 07.06.2016թ. թիվ 1/73-1/15888-16 գրություններով ներկայացված «Վարդան Կիրակոսյան» ՍՊԸ-ն (ՀՎՀՀ՝ 00868168) պետք է ներառվի գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների բողոքարկման խորհրդի որոշումը կայացվելու օրվանից հաշված վեց ամիս ժամկետով:

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածի 6-րդ մասի 7-րդ կետով՝ ՀՀ գնումների բողոքարկման խորհուրդը

Ո Ր Ո Շ Ե Ց

ՀՀ ֆինանսների նախարարության 01.04.2016թ. թիվ 1/73-3/11091-16, 14.04.2016թ. թիվ 1/73-3/12077-16 և 07.06.2016թ. թիվ 1/73-1/15888-16 գրություններով ներկայացված «Վարդան Կիրակոսյան» ՍՊԸ-ին (ՀՎՀՀ՝ 00868168) ներառել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների բողոքարկման խորհրդի որոշումը կայացվելու օրվանից հաշված վեց ամիս ժամկետով:

ՀՀ գնումների բողոքարկման խորհրդի որոշումն իրավապարտադիր է:

ՀՀ գնումների բողոքարկման խորհրդի որոշումը կարող է բողոքարկվել դատական կարգով:

Բողոքը քննող հանձնաժողով՝

Նախագահ՝



Ոսկանյան Լուսինե

Անդամ՝



Մնացականյան Արայիկ